

# **REFERAT UIA - Utoqqarnik Isumassuinernullu Ataatsimiititaq d. 20-11-2025**

**Mødedato** Torsdag d. 20. november 2025 kl. 19:00

**Mødested** Kommunalbestyrelsip ataatsimiittarfiani

# Indholdsfortegnelse

Saqqaa.....	3
Oqaluuserisassat akuerineqarneri.....	4
Utoqqaat pillugit siunnersuisooqatigiinni ilaasortanik qinersineq 2025-2029.....	5
Imaqarniliap akuerineqarnera.....	8

## **Punkt .: Saqqaa**

### **Ilaasortat:**

Nitta Lyberth-Mørch (IA)

Per Berthelsen (D)

Alex Hermansen (D)

Martha Abelsen (S)

Egon Poulsen (S)

### **Beslutning**

Peqataasut:

Nitta Lyberth-Mørch (I)

Per Berthelsen (D)

Alex Hermansen (D)

Attaveqaatitigut peqataasut:

Martha Abelsen (S)

Egon Poulsen (S)

## **Punkt .: Oqaluuserisassat akuerineqarneri**

### **Beslutning**

Oqaluuserisassat akuersissutigineqarput.

# **Punkt 1: Utoqqaat pillugit siunnersuisooqatigiinni ilaasortanik qinersineq 2025-2029**

## **Beslutning**

Ataatsimiititap utoqqaat pillugit siunnersuisooqatigiinni qinerneqarput:

Titken Terkilsen

Martha Fleischer

Bikki K. Jepsen

Kunuunguaq Kleist-Johansen

Beathe P. Nielsen

## **Bilag**

Kommuneqarfik Sermersuumi Utoqqaat pillugit Siunnersuisooqatigiinnut ileqqoreqqusat



## Utoqqaat pillugit siunnersuisooqatigiinni ilaasortanik qinersineq 2025-2029

Aalajangiiffigisassaq

SagsID.: EMN-2025-02604

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Innersuussut

Suliffeqarnermut Isumaginninnermullu Ingerlatsivimmit Utoqqarnik Isumassuinnermullu Ataatsimiititamut inassuteqaatigineqarpoq:

1. utoqqaat pillugit siunnersuisooqatigiinni ilaasortanik qinersisoqassasoq
2. ilaasortat qinerneqartut Kommunalbestyrelsimit akuerisassanngortinneqassasut

### Suliassamik saqqummiussineq

Kommuneqarfik Sermersooq 2013-imi Utoqqaat pillugit siunnersuisooqatigiinnik utoqqarnik sullissinnermi Kommunalbestyrelsimut kiisalu Suliffeqarnermut Isumaginninnermullu Ingerlatsivimmut siunnersuisussatut siunertalimmik pilersitsivoq. Utoqqaat pillugit siunnersuisooqatigiit sulinnermini suliassaqarfimmi politikikkut eqqartorneqartut pitsaassusiannik qaffassaaqataassapput taamaalillutillu kommunimi utoqqaat atugarisaannik siuarsaaqataassallutik.

Utoqqaat pillugit siunnersuisooqatigiit qinigaaffiat aallaavigalugu Kommunalbestyrelsip qinigaaffia malippaa. Kisianni Suliffeqarnermut Isumaginninnermullu Ataatsimiititap ataatsimiinnerani ulloq 3. decembari 2024 aalajangerneqarpoq, utoqqaat pillugit siunnersuisooqatigiit qinigaaffiat sivitsorneqarallarneqassasoq, taamanikkut utoqqaat pillugit inatsisip nutaap atuutilersinneqarneratigut siunnersuisooqatigiinni malittarisassanik allannguuteqartitsissasoq Suliffeqarnermut Isumaginninnermullu Ingerlatsivimmit naatsorsuutigineqarmat. Tamatuma kingornagut utoqqaat pillugit inatsit kinguartinneqarpoq, taamaattumillu Utoqqarnut Isumassuinnermullu Ataatsimiititaq ulloq 11. agusti 2025 aalajangerpoq qinersisoqassasoq.

Qinnuteqartut Utoqqaat pillugit siunnersuisooqatigiinnut ilaasortassatut eqqarsaatigineqartussat Kommuneqarfik Sermersuumi aalajangersimasumik najugaqassapput, 60-it qaangerlugit ukioqarlutik kiisalu Utoqqaat Peqatigiiffiinnut attuumassuteqassallutik imaluunniit utoqqarnut tunngasunut soqutiginnittuullutik.

Utoqqaat pillugit siunnersuisooqatigiinnut qinnuteqaat ilanngullugit nassiunneqarput. Tabelimi ataaniittumi qinigassanngortittut takuneqarsinnaapput:

Ateq	Ukiut	Illoqarfik/Nunaqarfik	Oqaaseqaatit
Arkalo S I Abelsen	ukiut 79	Nuuk	
Bea K Jensen	ukiut 65	Nuuk	
Beathe P Nielsen	ukiut 60	Nuuk	
Bikki K Jepsen	ukiut 63		
Birte Nielsen	ukiut 76	Nuuk	Maannakkut utoqqaat pillugit siunnersuisooqatigiinni ilaasortaq
Kaj Kleist	ukiut 82	Nuuk	Maannakkut utoqqaat pillugit siunnersuisooqatigiinni ilaasortaq



Karl Berthelsen	ukiut 70	Paamiut	
Kununguak Kleist-Johansen	ukiut 77	Nuuk	
Martha Fleischer	ukiut 72	Nuuk	
Titken Terkilsen	ukiut 72	Paamiut	
Uvdlo Hansen	ukiut 65	Nuuk	

Utoqqaat Isumassuinerlu pillugit Ataatsimiitami ilaasortanik tallimanik qinigassanngortittut qulaaniittut akornanni qinersisoqassaaq. Qinigassanngortittut sinneri, utoqqaat pillugit siunnersuisooqatigiinni ileqqoreqqusat naapertorlugit, sinniisussanngussapput. Tamatuma kingornatigut ataatsimiitami qinerneqartut Kommunalbestyrelsimit akuersissutigineqassapput. Siunnersuisooqatigiit iluminni siulittaasumik siulittaasumullu tullersortimik toqqaalluni nammineq inissitsitissaaq.

### **Ingerlatsivimmit aningaasatigut sulisoqarnikkullu naliliinerit**

Utoqqaat pillugit siunnersuisooqatigiinnut kommune attaveqaqatigiinnermi atortunik, nutserisoqarnermik oqalutseqarnermik aammalu allatseqarnermik atugassaqartitsissaaq. Aningaasartuutit tamakkua maannakkut missingersuutini killigitinneqartut iluannit akilerneqassapput.

### **Missingersuusiornermut Naatsorsuusiornermullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatiillit**

- Kommunit aqunneqarnerat pillugu Inatsisartut inatsisaat nr. 29, 17. novembari 2017-imeersoq
- Kommuneqarfik Sermersuumi Utoqqaat pillugit Siunnersuisooqatigiinnut ileqqoreqqusat

### **Ilanngussat**

1. Kommuneqarfik Sermersuumi Utoqqaat pillugit Siunnersuisooqatigiinnut ileqqoreqqusat
2. Utoqqaat pillugit siunnersuisooqatigiinnut qinnuteqaatit

## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal. 16:21